

ხელშეკრულება N____
(სახელმწიფო შესყიდვის შესახებ)

ქ. თბილისი

_____ 2020 წ.

ერთის მხრივ სსიპ კოლეჯი „გლდანის პროფესიული მომზადების ცენტრი“ მისამართი: ქ. თბილისი, ი. ვეკუას ქუჩა N44; ს/კ 200279448, სახელმწიფო ხაზინა, საბანკო კოდი: 220101222; ან.ა:200122900; ტელეფონი: 570503001; ელ. ფოსტა: nodar_ter@yahoo.com (შემდგომში “შემსყიდველი”) და მეორეს მხრივ _____ (შემდგომში-მიმწოდებელი) ს/ნ: _____; მისამართი: _____; საბანკო რეკვიზიტები: _____; ტ: _____; ელ. ფოსტა: _____; (შემდგომში „მიმწოდებელი“) შორის მიღწეულ იქნა ურთიერთშეთანხმება შემდეგზე: შემსყიდველმა 2020 წლის _____ დაფინანსების ფარგლებში 2020 წლის _____ გამოაცხადა _____ ელექტრონული ტენდერი „სავალი ნაწილის შეკეთება“, „ძრავას შეკეთება“ და „ელექტრო და ელექტრონული სისტემების შეკეთება“ ქვეპროგრამის განსახორციელებლად საჭირო ამწე მოწყობილობების სახელმწიფო შესყიდვაზე (კლასიფიკატორის (CPV) კოდები: 42400000 - ამწე და გადასაზიდი მოწყობილობები და მათი ნაწილები; 42414100 - ამწეები) და მიიღო მიმწოდებლისაგან სატენდერო წინადადება საქონლის მიწოდებაზე შემდეგ თანხაზე: _____ **ლარი დღგ-ს ჩათვლით (შემდგომში “ხელშეკრულების ფასი”)**.

1. ხელშეკრულების საგანი

1.1 ხელშეკრულების საგანია კოლეჯის საკუთარი შემოსავლების დაფინანსებით, _____ ტენდერით გათვალისწინებული აღჭურვილობის სახელმწიფო შესყიდვა, წინამდებარე ხელშეკრულებით და N_____ ტენდერის ტექნიკური დავალებით გათვალისწინებული პირობების (მონტაჟით და შემდგომი საგარანტიო მომსახურებით) შესაბამისად;

1.2. შესყიდვის ობიექტის რაოდენობა, ერთეულის ფასი და დეტალური აღწერილობა მითითებულია ფასების ცხრილში, რომელიც მიმწოდებლის მიერ ატვირთულია N_____ტენდერის შესაბამის ველში და წარმოადგენს ამ ხელშეკრულების განუყოფელ ნაწილს;

2. ანგარიშსწორების წესი

2.1 ხელშეკრულების ღირებულება მოიცავს საქართველოს კანონმდებლობით დადგენილ გადასახადებს;

2.2. ხელშეკრულების ფარგლებში შესაძლებელია განხორციელდეს სამი სახის ანგარიშსწორება: საავანსო, ეტაპობრივი და საბოლოო;

2.3. საავანსო ანგარიშსწორება შესაძლებელია განხორციელდეს მიმწოდებლის მოთხოვნის საფუძველზე, ხელშეკრულების ჯამური ღირებულების 35%-ის ოდენობით; ავანსის სახით მიცემული თანხის გაქვითვა მოხდება ფაქტიურად მიწოდებული საქონლის ღირებულებიდან სრული მოცულობით;

2.4. საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან გაცემული უპირობო და გამოუთხოვადი საბანკო გარანტია საავანსო თანხაზე, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას.

2.5. გარანტია წარმოდგენილი უნდა იქნას ეროვნულ ვალუტაში - ლარში. უცხოური ბანკიდან ან/და სადაზღვევო კომპანიიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).

2.6. ეტაპობრივი/საბოლოო ანგარიშსწორება განხორციელდება ფაქტიურად მოწოდებული საქონლის რაოდენობისა და ღირებულების შესაბამისად გაფორმებული ეტაპობრივი/საბოლოო მიღება-ჩაბარების აქტის გაფორმებიდან 10 სამუშაო დღის ვადაში.

2.7. სამივე სახის ანგარიშსწორება განხორციელდება ეროვნულ ვალუტაში, ხელშეკრულებაში

მითითებულ მიმწოდებლის საბანკო რეკვიზიტებზე;

3. შესყიდვის ობიექტის მიწოდების პირობები, ვადები და ადგილი

- 3.1. ხელშეკრულების საგნის შემსყიდველისათვის გადაცემა მოხდება ხელშეკრულების გაფორმებიდან არაუგვიანეს 60 (სამოცი) კალენდარული დღის ვადაში, 2020 წლის _____ ჩათვლით;
- 3.2. დასაშვებია მოსაწოდებელი პროდუქციის ეტაპობრივი მიწოდება, რაზედაც ფორმდება შუალედური მიღება-ჩაბარების აქტი;
- 3.3. ხელშეკრულების საგნის მიწოდების ადგილია შემსყიდველის ადგილსამყოფელი, ქ. თბილისი, ი. ვეკუას ქუჩა N44;

4. საგარანტიო პირობები

- 4.1. მიწოდებულ საქონელზე ვრცელდება საგარანტიო ვადა: ორპორტიანი ამწე _____ წელი, ხოლო ძრავის ამოსაღებ ჰიდრავლიკურ ამწეზე და ჰიდრავლიკურ ამწეზე (ჯეკი) _____ წელი; საგარანტიო ვადის ათვლა მოხდება საქონლის მიღება-ჩაბარების აქტის გაფორმების დღიდან; საგარანტიო ვადის პერიოდში, შემსყიდველის მხრიდან დამატებითი ანაზღაურების გარეშე, მიმწოდებელმა ასევე უნდა მოახდინოს შესყიდვის ობიექტის პერიოდული სრული ტექნიკური მომსახურება;
- 4.2. ამ ხელშეკრულებით განსაზღვრული საგარანტიო ვადის განმავლობაში, შემსყიდველის წარმომადგენლ(ებ)ის მიერ წუნის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ გონივრულ ვადაში მოახდინოს წუნდებული ნივთის შეცვლა ახლით. თუ მიმწოდებელი დადგენილ ვადაში არ შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5 სამუშაო დღის განმავლობაში.
- 4.3. საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;
- 4.4. საქონლის წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიმწოდებლის მხრიდან საამისოდ უფლებამოსილ წარმომადგენელთა ხელმოწერით;
- 5.2. მიღება-ჩაბარების აქტი გაფორმდება მიმწოდებლის მიერ ხელშეკრულებით გათვალისწინებული ვალდებულებების შესრულების შემთხვევაში;
- 5.3. ხელშეკრულების პირობების შესრულების ინსპექტირება შესაძლებელია ხელშეკრულების მოქმედების მთელ პერიოდში;
- 5.4. შემსყიდველის მხრიდან მიღება-ჩაბარებასა და ინსპექტირებაზე პასუხისმგებელი პირია დირექტორის მოადგილე გიორგი დიერაშვილი;

6. მხარეთა მოვალეობანი

- 6.1. შემსყიდველი ვალდებულია:
 - ა) წერილობითი ფორმით აცნობოს მიმწოდებელს ინსპექტირების დროს აღმოჩენილი ნაკლის შესახებ;
 - ბ) გადაუხადოს მიმწოდებელს ხელშეკრულებით გათვალისწინებული თანხა;
- 6.2. მიმწოდებელი ვალდებულია:
 - ა) გადასცეს შემსყიდველს შეთანხმებული ხელშეკრულების საგანი ნივთობრივად და უფლებრივად უნაკლო მდგომარეობაში, დათქმულ დროსა და ადგილზე;
 - ბ) უზრუნველყოს ხელშეკრულების ინსპექტირების შედეგად გამოვლენილი ნაკლის (ასეთის არსებობის შემთხვევაში) აღმოფხვრა ამისათვის საჭირო გონივრულ ვადაში;

7. მხარეთა პასუხისმგებლობა

- 7.1. ხელშეკრულებით გათვალისწინებული ვალდებულების შესრულების ვადის გადაცილების შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე შესასრულებელი ვალდებულების ღირებულების 0.1%-ის ოდენობით;
- 7.2. ხელშეკრულების მე-8 მუხლის მე-2 პუნქტით გათვალისწინებულ შემთხვევაში (გარდა ფორსმაჟორული გარემოებისა) მიმწოდებელს ეკისრება პირგასამტეხლო ხელშეკრულების ღირებულების 15%-ის ოდენობით.

8. ხელშეკრულების მოქმედების ვადა, შეწყვეტა

- 8.1. ხელშეკრულება ძალაში შედის ხელმოწერის დღიდან და მოქმედებს _____ ჩათვლით;
- 8.2. ხელშეკრულება ვადაზე ადრე შესაძლებელია შეწყდეს მეორე მხარისათვის გაგზავნილი წერილობითი შეტყობინების საფუძველზე, ერთ-ერთი მხარის ინიციატივით, თუ ვალდებულების დარღვევის გამო გაგზავნილ წერილობით შეტყობინებას, მითითებულ გონივრულ ვადაში, ვალდებულების შესრულების შესახებ არ მოყვება რეაგირება დამრღვევი მხარისაგან, აგრეთვე ფორს-მაჟორული გარემოების შემთხვევაში.

9. ხელშეკრულების პირობების გადასინჯვის შესაძლებლობა

- 9.1. წინამდებარე ხელშეკრულების პირობების ცვლილება დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 9.2. ამ მუხლის პირველი პუნქტით გათვალისწინებული პირობის დადგომისას, დაუშვებელია თავდაპირველად დადებული ხელშეკრულების ჯამურის ღირებულების გაზრდა 10%-ზე მეტი ოდენობით;
- 9.3. ხელშეკრულების ნებისმიერი ცვლილება ან/და დამატება უნდა გაფორმდეს წერილობით, მხარეთა შეთანხმებით, რომელიც წარმოადგენს ხელშეკრულების განუყოფელ ნაწილს.

10. ფორს-მაჟორი

- 10.1. მხარეები არ არიან პასუხისმგებელნი თავიანთი ვალდებულებების შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ეპიდემიები, კარანტინი, მორატორიუმი, ემბარგო, საბიუჯეტო ასიგნებების მკვეთრი შემცირება, რომლებიც უშუალო ზემოქმედებას ახდენენ ხელშეკრულების შესრულებაზე;
- 10.2. მხარე, რომელსაც შეექმნება ფორს-მაჟორი გარემოება, დაუყოვნებლივ წერილობით აცნობებს ამის შესახებ მეორე მხარეს.

11. დავების გადაწყვეტის წესი

- 11.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;
- 11.2. თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12. სხვა პირობები

- 12.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 12.2. წინამდებარე ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან).

13. მხარეთა მისამართები და რეკვიზიტები:

შემსყიდველი:

სსიპ - კოლეჯი „გლდანის პროფესიული მომზადების ცენტრი“; ქ. თბილისი, ი. ვეკუას ქუჩა N44; ს.ნ. 200279448; სახელმწიფო ხაზინა, საბანკო კოდი: 220101222; ან.ა: 200122900; ტელეფონი: 570503001; nodar_ter@yahoo.com

დირექტორი ნოდარ ხარაზიშვილი

(ხელმოწერა)

მიმწოდებელი:

(ხელმოწერა)